



Pib Hnub Tim 1 Lub Ib Hlis Xyoo 2026, Minnesota Paid Leave pab them nyiaj thiab muab kev tiv thaiv rau koj txoj hauj lwm thaum koj xav tau sij hawm so los saib xyuas koj tus kheej los sis koj tsev neeg. Nws tiv thaiv koj txoj hauj lwm kom koj txhob ntxhov siab xaiv seb koj txoj kev noj qab haus huv, los sis tsev neeg tseem ceeb tshaj.

SIV TAU PAID LEAVE RAU DAB TSI?

Koj siv tau cov sij hawm so them nyiaj no thaum koj yuav tsum tau so hauj lwm ib ntus.

- Sij Hawm So Mus Kho Mob (Medical Leave): los:



saib xyuas koj tus kheej thaum mob hnyav heev

- Sij Hawm So Rau Tsev Neeg (Family Leave): los:



saib xyuas thiab tsim kev sib raug zoo nrog tus me nyuam tshiab uas nyuam qhuav yug, lees txais coj ib tug me nyuam los tu (adoption), los sis coj tu ib tug me nyuam los tu (foster placement)



saib xyuas ib tug txheeb ze uas muaj mob hnyav hauv tsev neeg



pab txhawb ib tug txheeb ze hauv tsev neeg uas tab tom mus ua hauj lwm tub rog



daws tej teeb meem cuam tshuam txog kev tsim txom hauv tsev, kev raug quab yuam mos deev, los sis raug caum soj qab

Paid Leave pab txhawb koj tab txawm koj qhov xwm txheej ntawd twb npaj tseg los ntev lawm los nyuam qhuav tshwm sim. Koj siv tau los mus tu cov neeg uas koj hlub tshua thiab cov uas vam khom koj txoj kev pab.

SIV LI CAS

- Koj thov tau online los sis hauv xov tooj.
- Yog tias koj daim ntawv thov raug pom zoo lawm, koj yuav tau txais nyiaj txhua lub asthiv thaum koj so hauj lwm.
- Koj siv tau sij hawm so ua ke tib zaug los sis faib ua tej ntu me.

KOJ SIV TAU SIJ HAWM SO NTEV NPAUM LI CAS?

Hauv ib xyoos, koj siv tau:

- Mus txog 12 lub lim tiam So Kho Mob (Medical Leave)
- Mus txog 12 lub lim tiam So Rau Rsev Neeg (Family Leave)

Yog koj tsim nyog so tau hauj lwm rau ob qho kev kho mob thiab kev tu tsev neeg, tag nrho koj siv tau txog 20 lub lim tiam.

YUAV THEM NTAU NPAUM LI CAS RAU KOJ?

Thaum koj siv Paid Leave, lub xeev yuav them ib feem ntawm koj qhov nyiaj hli. Qhov nruab nrab ntawm kev them nyiaj so rau cov neeg ua hauj lwm yog 77% ntawm lawv cov nyiaj hli, thiab qhov nyiaj so rau ib lub asthiv twg, yam ntau kawg nkaus yog \$1,423 nyob rau xyoo 2026.

PAID LEAVE COV KEV TIV THAIV HAUJ LWM

- Feem ntau, koj yuav tsum tau rov qab mus rau koj txoj hauj lwm qub los sis ib txoj hauj lwm uas zoo sib xws tom qab koj lub sij hawm so dhau mus lawm.
- Kev tiv thaiv hauj lwm no pib 90 hnuv tom qab hnuv koj pib ua koj txoj hauj lwm.
- Tsis hais koj tau ua hauj lwm ntev npaum li cas lawm, tus tswv hauj lwm tsis muaj cai ua phem rau koj vim koj thov los sis siv sij hawm so them nyiaj.

Yog koj muaj lus nug los sis xav tau kev pab, thov tiv tauj Paid Leave Contact Center ntawm 651-556-7777 los sis 844-556-0444 (tus xov tooj hu dawb). Cov ntaub ntawv no muaj ua lwm hom ntawv rau cov neeg uas muaj kev tsis taus los sis cov neeg uas xav tau kev pab txhais lus, los ntawm kev tiv tauj raws li qhia saum toj no.

paidleave.mn.gov

KAWM NTXIV

